

## Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 31.03.2023թ. թիվ 2316165460 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 02 >> 05 2023թ. 7-13

4079

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Նարեկ Ավետյանի ՄԴ/30956-23 դիմումի քննարկման արդյունքում ստեղծված նյութերը՝

### Պ Ա Ր Զ Ե Ց Ի

Երևան քաղաքի Քանաքեռ-Զեյթուն վարչական շրջանի Դրոյի փողոց 83 տան բնակիչ Նարեկ Ավետյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 2316089381 և 2316165460 որոշումները՝ նշելով, որ իրավախախտումները կատարվել են հարկադրված, քանի որ շինարարական աշխատանքներով պայմանավորված հնարավոր չի եղել մուտք գործել նշված փողոց սահմանված տեղից:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պատճառաբանությամբ.

<<Վարչարարության հիմունքների և վարչական վարույթի մասին>> օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Նույն հոդվածի 2-րդ մասի համաձայն՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

<< կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման 49-րդ կետի համաձայն՝ հետընթացն արգելվում է խաչմերուկներում, մերձակա տարածքից ճանապարհ դուրս գալիս և կանոնների 50-րդ կետում թվարկված տեղերում, իսկ 50-րդ կետի 7-րդ ենթակետի համաձայն՝ հետընթացն արգելվում է նաև միակողմ երթևեկությամբ ճանապարհներին:

Վարչական իրավախախտումների վերաբերյալ << օրենսգրքի 124-րդ հոդվածի 14-րդ մասի համաձայն՝ տրանսպորտային միջոցը միակողմանի երթևեկությամբ ճանապարհով



տրանսպորտային միջոցների հոսքին հակառակ ուղղությամբ (այդ թվում՝ հեղինթաց) վարելը՝ առաջացնում է տուգանքի նշանակում՝ սահմանված նվազագույն աշխատավարձի քսանապարիկի չափով, տուգանային միավորի կիրառում՝ 3 միավոր:

31.03.2023թ. թիվ 2316165460 որոշման հիմքում դրված տեսանյութից հստակ երևում է, որ դիմումատուին <<KIA>> մակնիշի 07 TL 555 հաշվառման համարանիշի տրանսպորտային միջոցով 16.03.2023թ. ժամը 18<sup>51</sup>-ին Երևան քաղաքի Թամանյան-Խահակյան փողոցների խաչմերուկի հատվածում միակողմ երթևեկությամբ ճանապարհով տրանսպորտային միջոցը հեղինթաց է վարել տրանսպորտային միջոցների հոսքին հակառակ ուղղությամբ, սակայն միևնույն ժամանակ չի ստեղծել երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ:

Այսպիսով, հաշվի առնելով դիմումում նշված հանգամանքը, մասնավորապես դիմումատուի կողմից նշված հասցե այլ ճանապարհով մուտք գործելու անհնարինությունը, վարչական տույժ նշանակելու մասին թիվ 2316165460 որոշումը ենթակա է բեկանման:

Ինչ վերաբերվում է 20.03.2023թ. թիվ 2316089381 որոշմանը, ապա դրա մասով դիմումը քննարկման ենթակա չէ, քանի որ Վարչական իրավախախտումների վերաբերյալ ՀՀ օրենսգրքի 283-րդ հոդվածի 2-րդ մասի 4-րդ կետի համաձայն՝ որոշումը համարվում է անձամբ հանձնված, եթե հասցեատերը դիմել է տուգանքի վճարումը տարաժամկետելու խնդրանքով կամ բողոքարկել է վարչական իրավախախտման վերաբերյալ գործի որոշումը, որոնց դեպքում որոշումը հանձնելու օր է համարվում տարաժամկետելու խնդրանքով դիմելու կամ բողոքարկելու օրը:

Դիմումատուի կողմից բաց է թողնվել Վարչական իրավախախտումների վերաբերյալ ՀՀ օրենսգրքի 288-րդ հոդվածով նախատեսված՝ վարչական տույժ նշանակելու մասին թիվ 2316089381 որոշման դեմ գանգադ տալու համար սահմանված 30-օրյա ժամկետը (ծանուցումը՝ տարաժամկետման միջոցով 20.03.2023թ.):

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 21-րդ հոդվածով, և 293-րդ հոդվածի 1-ին մասի 3-րդ կետով՝

### **Ո Ր Ո Շ Ե Ց Ի**

1. Ճանապարհային ոստիկանության վարչական տույժ նշանակելու մասին 31.03.2023թ. թիվ 2316165460 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ Վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Նարեկ Ավետյանին:



**Ն. Սարգսյան**